

48402

# زحابة

شعر  
مصطفى الطيري

دار "روحة" للطبع والنشر والتوزيع  
الطبعة الأولى 2013

"ز عليب"

شعر

مصطفى الطيري

غلاف / محمود عمران

الطبعة الأولى 2012



دار روعة للطبع والنشر والتوزيع

المدير العام : هبة الشرقاوي

موبايل : 01140178144

[darrawaa@yahoo.com](mailto:darrawaa@yahoo.com)

رقم الإيداع / 2012/19655

الترقيم الدولي / ٩٨٧-٩٧٧-٦٤١١-٠٧-٤

فرمایید



## مريض نفسى

أنا ممكن أعترف .. أعتارف ؟؟؟؟؟؟؟  
وانتي عارفة ....  
أنا مش بخاف ..... مابحبكيش  
أه ..... مابحبكيش  
أنا ..... بعشقتك  
وكل نبضة ف قلب قلبى بتعشقتك  
وف كلمة واحدة  
ومش بسيطة  
وانتى طبعا مش عبيطة  
. انا مندمج  
ف جمال عنين  
أول ما رشقت ف عينى  
إترميت مشلول  
خلتتى مش بعرف أقول .....  
نفسى  
ضربتى جدورك جوه قلبى

فجأة رحت موطى حسى  
وقلت أه  
علشان ماتسمعينيش  
وهربت من وجعى بمحاولة  
انى اشرب شئ ينسى  
فرحت طالع  
من تجارب عشتى فيكى  
مريض نفسى

## علشان عيون حرارة

مذبة سائلة موطن .....  
بتحس قلى بايه ؟؟؟؟؟  
راح رد قال ابدا .....  
يادوب بحبة ملل  
وزغزغة ف رجلى  
مبقتش احب الأمل  
لو اشوفه بس اجرى  
علشان عيون بلدى  
مبقتش احس بجوع  
ولا حتى انى اتكسف ....  
والبنطلون مقطوع  
وحلفت لو بنضرب .....  
ماحس يوم الوجع  
شفت ف زمان البدع....!!!!  
شهيد .... يموت كافر  
يا عينى على ده الجدع

طول عمره بيعافر  
علشان يقعد ف بلده ..  
حشش وباع برشام  
شغال فلم الورق  
عارفين بياخد كام ؟؟؟؟؟؟  
\*\*\*

عارفين بياخد كام ؟؟؟؟؟  
لما انعزر راح سرق  
وف يوم من الايام  
بيته الصفيح اتحرق  
وعلى الرصيف راح نام  
.....

زعلان عليكى يا مصر  
بينتى أعضائك  
عضو التناسل ظهر ....  
نسلك من اعدائك  
والظهر لو ينكسر  
والكل يستائك  
حتروحي قولى لفين  
.....

خالد سعيد اتقتل  
ومحمد ابو حسنين



وحرارة ضاعت عنيه  
وزييه يجي متين  
وحوالي ألف بيتهم متلتمين  
علشان عنيكى يا مصر....  
علشان عنيكى يا مصر  
فقير سائل ربه  
ازاى يارب ؟؟؟ ازاى يارب ؟؟؟  
ازاى يارب ارضى؟!  
قلو تعيش ف البلاد  
غرقانة بالفوضى

## في حبك يا بلدي

في حبك يا بلدي ...  
قريت الف قصة  
ومليون رواية  
سمحتك يا بلدي ...  
سمحتك يا بلدي  
ومش فارقة عندي  
تسمحيني ولا  
بظلمك تغدي  
وتقتلي بإيدك  
الآف للنهاية  
سمحتك يابلدي .....  
انا كنت جايك .....  
ومرسوم ف وشي الألم والعذاب  
وعشت الليالي بسف التراب  
وسايب عشانك  
عياي وحالي ومالي

ورُحِتْ اشتريت  
باخر فلوس كانت فجيبى العلم  
وجتلك يا بلدى  
وجتلك عشان اشتريلك حياة .....  
لقيتك حرقتى  
بسزاجتك وظلمك وطبتك وغدرك  
وشعبك وبالبلطجية الآف الطرق وطوق النجاة  
وكل اللي يزرع بحلمه الورود والشجر  
يحاول يطور عشان حبه ليكى بعزمه الشديد  
تخليه غصب عنه  
بيرمى بايديه  
جبال من زباله  
وخذ فوق دماغه بقبضت حديد  
وكام اب عايش فوهمه  
وقال ان ابنه عشانك شهيد  
وأدى عشانك خدمته العسكرية  
وأمه عشانك .....  
اتبهدلت  
واتمرمطت  
مابين المشارح ورفع القواضى  
وأقسام بوليس  
ابنك ماماتش شهيد يا أمى

ابنك راح فطيس  
وكل واحد فينا الف مره بيتصلب  
فوق صليب واقع اليم  
عشانك يابلدي

## رخص التراجيح

حببت بكام ؟؟؟  
علشان تبيع بالرخص دة ؟؟؟  
هو الغرام ....  
عندك مفيش بالشكل دة ؟؟؟  
لو كنت تسال يوم هو ايه  
كان ابتسم  
وقال حياتك كانت معايه  
لحن ونغم  
مكنتش اعرف  
ان الكلام الحلو منك  
اصله سم  
مكنتش احسب  
ان الدموع اللي بكتها  
حتبقا دم  
انا كنت فاكر ان الجروح  
ممکن تلم

بس يا خساره الالم  
هو اللي فاضل لينا بس  
اسال عنيك  
مين اللي خان  
ومين اللي يوم بالتانى حس  
اسال ادبك  
مين اللي بان  
حبه ف لحظة ما اتلمس  
معقولة انت تكون كده ???  
عمرى ما شفتك  
ظالم ف يوم بالشكل ده !!!  
تخطف قلوب الناس  
تبيع تبديل ده بده  
انا عايز اعرف خدت كام ???  
حببت بكام ???  
علشان تبيع بالرخص دة!!

## زبابـجـ

قامت رياح الشوق  
والموج عيلى  
والحلم خدنا لفووووق ...  
فجأة  
خيلي  
طب اسالك ليه ???  
وانتى لسة بتسالى  
مين فينا ظالم ???  
مين فينا غادر ???  
مين فينا حاسس بالالم اكتر وصابر ???  
حبيت عنيكى الكدايين جدا  
وعارف  
ان قلبك  
موجه على وسيله جارف  
قربتى منى وكننتى عارفة انى هاخونك  
كذب عيني

بان فعينى  
قبل ما يبان فى عيونك  
قربتى منى وكنتى عارفة....  
عمرى ما ف يوم راح اصونك  
بس البعاد ...  
قربنا اكثر  
والحنين ف قلوبنا زاد  
زاد فاض ومطر  
كل واحد فينا خايف  
بس غصين عنه فكر  
انه يرجع من حبيبته يتملى  
قامت رياح الشوق  
والموج عيلى  
والحلم خدنا لفوووق ....  
لفوووق...  
فجأة  
خيلى



## من ساحة ما اتكلم طليل

انا مؤمن جدا بالقضية  
وكل الناس ويايا شهدة  
ان مش ممكن هايجي النصر  
فجأة ومرة واحدة  
بس نفسي أقولكم  
حكاية شب ضايع  
بين المدافع والقنابل  
والأكاليل ف الشوارع  
نفسه يصرخ  
بس صوته يادوب ...  
طائع  
اسمه طایل ابن طايح  
كانت حكايته مع الأذان  
من زمان  
أما الفجر أدن  
والشوارع خالية يكسيها الضباب

كنا صاحين ...  
ف صلينا الفجر لكن  
من ورا الأبواب  
الشمس طلعت  
فابتادا اليوم الجديد غارة وخراب  
لو حد فكر يقعد ف بيته  
بيندفن تحت التراب  
اما اللي طالع ف شوارع ...  
بيبقى قاصد .... عشان ينصاب  
اول ما تهنا فالشوارع  
رحنا لاجئين للمحراب  
دخلنا جوه لقينا  
الجيران  
والصحاب  
والأحاب  
شفنا هناك طایل  
مجروح دمه سايل  
مغرق الجلباب  
قوم يا طایل  
فی برة واحد م الكلاب  
قامله طایل على كفه روحه  
مكشر الأنیاب

راحله شایل ف ایده طوبه  
وف التانية شوية تراب  
اضرب يا طایل وانتقم  
جابه وجره ف وسطنا  
قال امسكوه  
أدبوه  
عذبوه  
ادبحوه مفرق الأحباب  
رد الخسيس وقال  
ممکن سؤال ؟؟؟  
ومش عایز منكم جواب  
قاله طایل  
کفایه اسکت بقى  
اسکت لاتقول ولا تعید  
ازای هایطلع فجرى الجديد  
ازای هایجى بعد الحزن عید  
ازای هایب لاختى فستانها جدید  
والقز مات ... قز الحریر  
وماتت معاه أحلام کثیر  
واتصدع البیت الکبیر  
اسکت بقى  
دانا اختى ماتت يوم فرحها وكانت متزوقة

وبدال كوشيتها اتصورت  
بين عروق المشنقة  
اسكت عشان انا لازم أخرج م الشرنقة  
انا نفسى أهرب م الخندقة  
وعشان حكاية زلكم  
ف القلب ساكنة معتقة  
سبونى أبنيكم بإديا دول المحرقة  
اسكت كفاية  
اسكت بقى

## هيا مرة

بقولك ايه ؟؟؟  
عمر كش انجرححت ؟؟؟  
وعليت بحلمك والمشاعر للسما  
وصحيت لقيبتك  
تحت ..  
تحت ..  
تحت ؟؟؟  
كام مرة إحساسك يخونك ؟؟؟  
وانت صح  
كام مرة يغلط فيها قلبك ؟؟؟  
انتصح  
من كل واحد ألف مرة  
لو كل واحد قال ف مرة بحب  
كام مرة ... قلت بحب ؟؟؟  
وانت كداب أصل وشك كذب  
كام مرة ... خنت  
كام مره هنت ؟؟؟

على اللي رايح واللى جاى  
كام مرة ؟؟؟  
دست على القلوب  
كام مرة  
كان نفسك تتوب  
هى صح حقيقة مرة  
كام مرة موت ؟؟؟  
هيا  
مرة

## مازن

بتقولى ايه ؟؟؟  
محبكيش  
دنا ياما مديتك اديا  
قلتلى ارحل  
ورجعت تانى من غير ما اسأل  
قلتاك ...  
حبيبتاك  
صرختاك ..  
وبكل جارح من جوارحى قلتاك ...  
حبيبتاك  
قلتلى هاجس مال هوا جس  
عيني قلتها ...  
ايدى قلتها ...  
ودمعتى فرت قلتها  
ولسانى عاجز  
طب أعمل ايه ؟؟؟  
حبيبتاك

قوليلي نشفانة العروق جواكى ليه ؟؟؟  
قام هب خان الغدر فيكى  
الشوق بعزمه وقام رميه  
طب أعمل ايه ؟؟؟  
حبيتك  
حولت أسكن جواكى لكن  
ديقتى ليه كل الأماكن ؟؟  
كل الخطاوى اتقيدت  
أنت وساكن  
جواية حبك يوووووه  
محازن  
معقول أكون مبحبكيش ؟؟؟  
حبيتك



## زكريات

لسه فاكر  
أما كنتى بتندهيلي  
لسه فاكر  
أما قلتى البعد  
قادر يجعلك  
صورة وزكرى  
وانتى برضه لسه فاكرة  
أما قلتى النهاردة  
زى بكرا  
وكان ف ايدك  
بالسعادة تملى  
ماضينا وبكرا  
كنتى قادرة  
لسه فاكر وانتى برضه  
لسه فاكرة  
أما كنا على الرصيف

مستتين دورنا  
عرايا بنرتجف  
أما الخريف  
بيهد فينا أجمل مشاعر  
وانتى واقفة بتصرخى  
مبقتش قادرة  
برضه انا ...  
مبقتش قادر  
كل الأحبة خلصوا ..  
كل التزاكر  
لسة فاكرة  
وبرضه أنا  
أنا لسة فاكرا

## الجمعة / 9 / 11

معرفش ليه النهاردة  
كل البساتين أصبحت  
شاردة حزينة  
وأرق وردة  
بتنتقم  
كل السواسن  
والقرنفل  
والريحان خصمه الندى  
حتى الكافورة اتشيبست....  
بالفل قبل ما يتعدم  
اليوم ده ماتت كل القلوب  
وكل واحد ف اللى بيحبه اتصدم  
وكل قصر اتبنى  
ف خيالنا يوم أصبح عدم  
هبت نيران الغدر فيه  
طفيناه انجرف

من سيل دمعنا وانهدم  
إزاي قدرت ف يوم أحبك  
وأكتب ف يوم وأمسك قلم  
لو كنت أعرف  
ان اللي يعشق يوم  
راح يتظلم  
أعز ناسه بيجرحوه  
يخنوه ومنهم ينحرم  
الله يا قلبي  
لو تفكر مرة واحدة  
تتهزم  
وتبقى سواح ف المدينة  
معرفش ليه النهاردة  
كل البساتين أصبحت  
شاردة وحزينة  
وأرق ورده  
بتنتقم

## بتحبى مين فينا

بتحبى مين فينا ؟؟؟  
كل أما نيجى نكلمك  
تدى انتظار  
هو فاكرك  
بتكلمينى  
وتشعلل جوايا النار  
إزاي سبقنى وكلمك  
وسألت أنا وهو  
ف القصة دى  
يجى مييت حمار  
وكلهم كانوا بيحبوا واحدة  
أنا نفسى أفهم  
حاجة واحدة  
بتجيبى من فين الإحساس  
وتكلمى اتنين ... بالصدق دة  
إزاي خدعتينا ؟؟؟  
لو تسمحيلى بالتماس

بتکلمی مین ؟؟؟  
أما مش بتکلمینا !!!!!

## بقى هو الحال ؟؟؟؟

يا مصر يا أم الوجع  
زعلان قوى منك  
دى حركة ماتتعملشى  
من واحدة فى سنك  
شغل الهبل والجالا  
واللف والدوران  
مين اللى قتل الولا ؟؟؟؟  
هل سلفى ؟؟؟  
أم اخو انا ؟؟؟  
ولادى كانت قنبلة ....  
فاسدة ف سنة ستين ؟؟؟  
ادت ف جيشك مرحلة  
مين اللى يعرف ميبين ؟؟؟  
إحنا ف سنة كام ؟؟؟  
ولا ف زمن مين ؟؟؟  
مين راح يحل المشكلة ....  
ويقعد على الكرسي ؟؟؟

واحدة مدرك ايه  
والثاني قالوا فلول

مش لاقى حق الفول ..  
 راجل جدع مصرى  
 يا ناس يالى قاعدين كلکم  
 اشهدوا معايا.....  
 إن اللى غز أخويا  
 ف المترو كان ...

مصرى  
واللى سرق محفظة عمك  
فالقطر كان

مصرى  
واللى اغتصب بنتك  
وانت ف صلاة العصر

مصرى  
واللى قتل أمه  
اللى قتل أمه ...  
ف عز الظهر كان ..

**مصرى  
واللى سرق لحمننا  
وباعه يا ناناااااااا**



مصرى  
يا كل واحد مصرى خان  
عاركم غسل عارى  
والبلطجية اشتكوا  
من بؤس ....  
أشعارى!!



## سبقتك

سبقتك ..  
مش بس لما سمعتهم ...  
بيقولوا انك  
عايشه أجمل قصة بعدى  
مش لما شفتك ...  
ماسكة ايده  
مش لما شفتك ...  
دابحة واحد قبل منى ..  
وقلتي نزوة  
وابتسمتى  
واتضحلى ف النهاية ...  
انى غلطة  
فقلت أحاول أنسحب  
وأصون كرمتى  
واللى عملاه البطل  
بكرا برضو تقولى  
غلطة!!

كل مرة تقولى غلطة ???

كل مرة تقولى غلطة ...

بنسهاك

وتغلطى تانى ...

وبرضه بعديهاك

بس حاولى تحاسبى منى

وخلى بالك

كل حاجة بتعملها

بعدهالك

وتقولى تانى القلب الأخضر

مش كل مرة القلب أخضر

مش كل مرة بينجرح

ينسى ويصبر

أنا قلبى مش من نور ومرمر

ولا كل مرة بيبقى ليكى وحتة منك

ياريت تكونى فاكرة إنك

اخترتى تمشى بعيبيب

لوحدك

سبتى إيدى

مشيت لوحدى

وغصب عنى نسيت

## أنشودة حلم الحمام

يــــاوردة مال عودها  
مــــاتت بعنقودها  
أمــــا الشهيد سرقوه  
أمــــا العدا أتعـدوا  
داســــوا على وردة  
حــــتى الندى قتـلوه  
ألــــفين سلامة يا طير  
يــــا معلم العصفير  
إزاي تــــبوس أرضه  
زاي يــــحبوا الخير  
وميطــــلموش الغير  
مــــن رمله يتوضوا  
موت يابن آدم خلاص  
قتلوا وفــــا الإخلاص  
ونــــشفوا المــــيه  
الحــــلم أصبح بعيد  
متلــــمسوش الايد  
وشمــــسه مش جاية

ف\_\_\_\_\_ أرض دجلة و فرات  
اتفرقوا الإخ\_\_\_\_\_وات

ضعيف هزيل الجناح

قتلوه ف عز الصـباح

وڪان بيتيم

## علی حجر مش کبیر

رمز السلام والخير

فوقه الحمـام حمحم

أما القلوب بتموت

يملا صدورنا السكوت

وَحَمْدُ أَمْنِ نَيْنَسُوهُ

حـ \_\_\_\_\_ افنا بالانجيل

وفادنا کے \_\_\_\_\_ ل دلیل

وعمـلنا بالمصحف

لِمَنْ تَعْمَلُوا النَّاسَ

على أنهم مش ناس

فوقنا الظلام يسحف

یا وردة مال عودها

مات بعنقودها

أما الشهود .....

..... صلبه

# أ

ممکن اللون الأخضر .....  
يخدع عينك ..  
ويكون أحمر  
لون الدم ???  
تجى تقرب منه يخونك  
فجأة تلاقى ...  
خطاك مغروسة ف يم  
كان يوم أخضر  
لكن أصبح أحمر  
لون الدم  
كان دافى ...  
حنون ولا حضن الام  
بقى جرح عميق ...  
ومحال يتلم  
كان كلمة جميلة ف صفحة  
أصبح صفحة ..  
على وشك شلت قلبك ..

يعنى ألم  
وتقول بتألم؟؟  
أما يوم تمسك قلم ..  
يصرخ ف وشك ...  
وحبره . يبقى دم  
أما يوم عينك  
تفرئك  
أما يوم روحك  
تفرئك  
أما يوم كل ابتسامة ...  
تموت ف وشك  
تيجي تضحك ..  
تفتكر نفسك  
فتبكي  
لحد ما دموعك  
تبقى دم  
وتقولى حاسس  
بالألم ؟؟؟؟؟  
؟؟؟؟؟؟  
أما تقول ف الليل ..  
الآآآآآآآآآآآه  
أما تقول ف الليل ..



الآاااااااااااهه  
روحك منك ..  
فجأة تسيبك تمشى وراها  
أما تموت الضحكة ..  
ف بنت بتتأناها  
أما توصل صرختك ..  
آخر مداها  
وكأنك أخرس  
لحد حاسس بيك وسمعك  
ولا حد قاعد يستأناها  
والشجرة بتعتك ..  
دبلت  
نشفت  
قدام عينك  
كل ما تسقط منها ورقة ..  
معاها حلم بينهدم  
وتقولى حاسس  
بالألم ؟؟؟؟  
؟؟؟؟  
أما تعيش عمرك  
ف الضلمة  
تبكى وتصرخ ..

فِينَاك يَامَاه  
وفجَاه !!!  
أَمَا تَمُوت  
وتعيش عمرك  
كله سكوت  
تبكى وتصرخ ...  
أحزانك منك  
تتمناللك مره تموت  
وتموت فعلا  
لكن عايش  
ضل خيالك  
قش وهائش  
أَمَا تحس بأنك وهم  
مش بتميز  
المظلوم  
م اللي ظلم  
أَمَا تحس بمعنى ألم  
وقت ساعتها  
قول بتألم

## قلبي العجوز

مسجون ف دنيا ضيقة جدا  
وشباكي  
على كل حاجة بحبها  
عينك  
أجمل سنين عمري  
ف لحظة عشتها  
من طللة واحدة  
ولمسة بإدينك  
كائن عجيب جدا  
ممکن تقولي عليه . شبح  
من 800 سنة بيكتب  
لحد ما الحلم . أتتبح  
قلبي  
عاش عمره بيدور عليكى  
وأما لقاكى  
اندبح!!



## تحريم يا حبه

كان حبنا ...  
لسه جنين  
لكن خساره  
مات سجين  
جوه القلوب  
شهرين يادوب  
شهرين يا حب ???  
طب كنت قولى إنها ..  
عارفة مصيرها  
أو كنت حتى تدلنى  
على واحدة غيرها  
الله عليك أما بتدى  
تدى كثير  
وف كل حدوة لازم  
يطلع فقير  
يكون بيعشق  
بنت الأمير

ومش لاقى يجبلها وردة  
طبعا فقير  
الله عليك أما تسبب كل القلوب ..  
هايمة تدوب  
لكن أنا شهرين يادوب  
شهرين يا حب !؟؟

## وجع

جربت أنادي  
بعلو صوتي  
عليكي يمكن تسمعي  
وحاولت أبطل أحس بيكي  
أهو يمكن أقدر أعيش يوميني  
فكرت أدوس على قلب حبك  
وكل شيء بينك وبينى  
أنا سايب نفسك ليكي بتقتل  
روحك فيكي  
وفيا حنيني  
مش فاكرا أبدا .....  
انى ظلمتك  
دانا ياما دموعك  
فرت من عيني  
مسألتيش على نفسك  
فينك ؟؟؟  
ولا افكرتى تقولى  
فينى ؟؟؟

أنا مش جاى أضملك  
لا

مش جاى أعاتبك  
ولا طالب منك تواسينى  
أنا جاى بس عشان أقولك  
والله لسة بتوجعيني



## سيبوني أكتب

سيبوني أكتب  
ولو كذبت  
سيبوني أكذب  
نفسى أفجر جوه قلمى  
شريان جديد  
يحكى الحكاية  
نفسى أصور ف الكتابة  
الدم الأحمر فوق العروسة  
واللى يقرأ سطر يسمع  
صرخة الم  
ملهاش نهاية  
بس خايف فالبداية  
ينكسر منى القلم  
مهو الف مره احتجته  
فيها انكسر  
لما القلوب اتحجرت  
حتى الشجر  
أما انكسر قلمى بكى  
راح اشتكى

للورد قاله خلاص اتغيرت  
كل الضماير والنفوس  
أرق إحساس بالجمال  
جوه البشر  
دى حتى ألوان الربيع  
اتغيرت  
قالوا كمان إن الحكاية  
مش حكاية حب بس  
الحكاية مين يحس  
بس القلوب اتحجرت  
لما انكسر منى القلم  
وكان بيكتب  
كان بيصرخ  
سيبوني أكتب  
ولو كذبت سيبوني  
أكذب

## طل الفجر

أول ما بينزل طل الفجر  
بحس بر عشة  
شديدة ف قلبي  
أول ما بتطلع شمس جديدة  
بحس باني ..  
نعست  
ودبت  
وعشت  
ومت  
وفجأة حلمت  
باني صحيت  
على صوت عصفور  
الناس بتقول  
إنه بيحلم ويغنى  
وما حدش يعرف  
إنه قريب  
جدا

جدا  
جدا  
منى  
كل كلامي الحلو تبعثر  
علشان مش مفهوم ولأنى  
عايش ف الوحدة وف الغربية  
بحلم أخرج منها لكنى  
من جواية  
الفرحة اتقتلت  
ماتت شبعنا موت وكانى  
عايش بس لهما وأنى  
امتى هايجي اليوم ...  
وأغنى ؟؟؟  
زى العصفور  
قالوا عليه  
إنه بيحلم ويغنى  
بس ياريت إنسان  
يفهمنى  
قبل ما ينزل  
طل الفجر

## ما تسمي ش

أول متشوفي الشمس بتطلع  
قولي يا حبيبي  
يمكن تغرب  
متشوفينش  
خايف لو مديتي إديكي  
مرة  
فمرة  
متلحقينش  
سامحيني  
لو كنت بحاول أبعد عنك  
إذا كنت بحاول أروح ...  
ولا أجيش  
معرفتش أسامحك  
ولا أسامح نفسي  
وحاولتي تسامحيني ونفسك  
معرفتش!



## لحظة طيش

أنا أسف ... ماتتكلمش  
أنا ماشى ....  
وماتسلمش ....  
أنا عارفك  
نسيت ومفيش  
أمل منك .... ف لحظة تعيش  
قالولى الناس على الفرقة ..  
حلفت نويت  
حلفتهم ... وقلت ياريت  
يروح مايجيش  
دة من حق الطيور تحلم  
ولو حتى  
بحبة ريش  
أنا مش هاسامح قلبى أبدا  
عشان حبك  
ف لحظة طيش

مصطفى الطيرى





## المحتويات

|    |                       |
|----|-----------------------|
| 5  | مريض نفسي             |
| 7  | ملفان يحون حرارة      |
| 11 | في حبك يا بلدي        |
| 13 | رخس التراب            |
| 15 | زحابي                 |
| 17 | من ساعة ما اتكلم طليل |
| 21 | هيا مرة               |
| 23 | محازن                 |
| 25 | زكريات                |
| 27 | الجمعة 11/9           |
| 29 | بتحبي مين هينا؟       |
| 31 | بقى هو الحال؟         |
| 35 | سبتك                  |
| 37 | أنشودة حلم الحمام     |
| 39 | ألم                   |
| 43 | قلبي العجوز           |
| 45 | حرير يا حب            |
| 47 | وجع                   |
| 49 | سيبوني اكتب           |
| 51 | طل الفجر              |
| 53 | ما تسمعيش             |
| 55 | لعطة طيش              |
| 57 | المحتويات             |

